

**გორის მუნიციპალიტეტის საკრებულოს წევრის თამარ მურალოვას
2023 წლის 1 ნოემბრიდან 2024 წლის 1 ნოემბრამდე გაწეული საქმიანობის**

ა ნ გ ა რ ი შ ი

2023 წლის 1 ნოემბრიდან 2024 წლის 1 ნოემბრამდე დავესწარი გორის მუნიციპალიტეტის საკრებულოს 15 სხდომას და მონაწილეობა მივიღე 225 საკითხის განხილვაში. საკრებულოს ბიუროს 34 სხდომას და 383 საკითხის განხილვაში მივიღე მონაწილეობა.

ვარ საკრებულოს სივრცით-ტერიტორიული დაგეგმარების და ინფრასტრუქტურის კომისიის წევრი, დავესწარი 12 სხდომას და მონაწილეობა მივიღე 45 საკითხის განხილვაში. ასევე, ჯანდაცვის, განათლების, სპორტის, კულტურის და სოციალურ საკითხთა კომისიის წევრი, დავესწარი კომისიის 5 სხდომას და მონაწილეობა მივიღე 11 საკითხის განხილვაში.

მიმდინარე პერიოდში, როგორც საკრებულოს პროპორციული წევრი პერიოდულად ვესწრებოდი სახვადასხვა სახის ღონისძიებებს და ვხვდებოდი ჩემს ამომრჩევებს;

აქტიურად ვარ ჩართული ჩემს მუნიციპალიტეტში ინფრასტრუქტურული საკითხების მოგვარებაში, განსაკუთრებით გენდერულად მგძნობიარე საკითხებს ვაქცევ დიდ ყურადღებას, როგორცაა: სასმელი წყლის, გზების, საბავშვო ბაღების და სხვა ისეთი საკითხები, რომლებიც ყველა ქალისთვის მნიშვნელოვანი ადგილი უკავია ყოველდღიურ ცხოვრებაში.

2023-2024 წლის განმავლობაში პერიოდულად ვხვდებოდი ჩემს ამომრჩევებს სადაც გამოვლინდა შემდეგი პრობლემები, რომლებიც სრულად და ნაწილობრივ მოგვარდა:

- სოფელი ძევერა-შერთულის ცენტრალური გზის სრული რეაბილიტაციის პროექტის შედგენა.
- სოფელი, შერთული, ძევერა, ქიწნისი, სათემოს შიდა გზების რეაბილიტაცია.
- სოფელ ძევერაში ალექსანდრე ჯავახიშვილის სახლ-მუზეუმთან მისასვლელი გზის რეაბილიტაცია.
- ქ. გორში წმინდა-წყალზე ცხინვალის გზატკეცილზე, ჩრდილოეთით (მეჯუდის ხიდიდან) საფეხმავლო სივრცეების რეაბილიტაცია.
- გორი- მეჯურისხევის და გორი-ცხინვალის მიმართულებით, პერიმეტრის გაგრძელებაზე, ვიდეო-სამეთვალყურეო კამერების დამატება.
- სოფელ სათემოში წყლის-სისტემის გამრიცხველიანება.
- სოფელ შერთულში სპორტული მოედნის მოწყობა.
- ალექსანდრე ჯავახიშვილის სახლ-მუზეუმის რეაბილიტაცია.

- ძვერის კულტურის სახლის რეაბილიტაცია, რის შემდეგაც გაჩნდება ახალგაზრდებისთვის სივრცეები, რომლებიც მოგცემს ახალგაზრდების სოფელში დამაგრების საშუალებას.
- ნარჩენების გამტანი მცირე გაბარიტიანი მანქანის შეძენა, რომელიც უზრუნველყოფს სოფლებში ჩიხებიდან ნარჩენების გამოტანას.
- საბავშვო ბაღებში ინვენტარის განახლება.
- მუზეუმების, ბიბლიოთეკების თანამშრომლების ხელფასების მატება.

აღნიშნული მოთხოვნების ნაწილი მოგვარებულ იქნა, ნაწილი აისახება მუნიციპალიტეტის 2025 წლის ბიუჯეტში.

აქტიურად განვიხილავ ახალგაზრდებისთვის მოწესრიგებულ და ხელმისაწვდომ ინფრასტრუქტურას, ძალიან ბევრ სოფელში გაკეთდა სკვერები და დამონტაჟდა „ტრენაჟორები“. მნიშვნელოვანია ყველა სოფელს ქონდეს კეთილ მოწყობილი სტადიონები, სოფელ ქიწნისში უკვე მოწესრიგდა მინი სტადიონი, ხოლო სხვა რაიონებში მიმდინარეობს სამუშაო პროცესები.

სისტემატიურად უამრავ მოქალაქეს ვუწევ დახმარებას ჯანდაცვისა და სამედიცინო ხასიათის საკითხებთან დაკავშირებით, ვუკავშირდები შესაბამის სამსახურებს, რათა გაეწიოთ მათ სწორი და დროული დახმარება.

ვარ გორის მუნიციპალიტეტის გენდერული თანასწორობის საბჭოს წევრი, რომლის ფარგლებშიც მთელი წლის პერიოდში ვესწრებოდი სხვადასხვა სამუშაო შეხვედრებს.

ამასთან ერთად ჩართული ვარ მუნიციპალიტეტის როგორც საკრებულოს მუდმივმოქმედი კომისიების, ასევე მერიის სამუშაო ჯგუფების საქმიანობაში, როგორცაა სოციალური დახმარების გაცემის სამუშაო ჯგუფი და სამოქალაქო ბიუჯეტის საბჭო.

გარდა ამისა აქტიურად ვმონაწილეობ საკრებულოს ფრაქცია „ქართული ოცნება - დემოკრატიული საქართველოს“ მუშაობაში.

გორის მუნიციპალიტეტის საკრებულოს წევრის თამარ მურალოვას

ამომრჩევლებთან შეხვედრის დამადასტურებელი

ოქმი

ქ. გორი

2024 წლის 24 ოქტომბერი.

სხდომას ესწრებოდნენ :

საკრებულოს თავმჯდომარის პირველი მოადგილე: მარლენ ნადირაძე;

ფრაქცია „ქართული ოცნება - დემოკრატიული საქართველო“- ფრაქციის თავმჯდომარე:
კობა ბერიანიძე;

საკრებულოს წევრი: თამარ მურალოვა;

სხდომას ასევე ესწრებოდნენ: მევერის ადმინისტრაციული ერთეულის მოსახლეობა და საკრებულოს აპარატის სპეციალისტი ქეთი ტატიშვილი.

სხდომას თავმჯდომარეობდა: საკრებულოს თავმჯდომარის პირველი მოადგილე, მარლენ ნადირაძე.

დღის წესრიგი

გორის მუნიციპალიტეტის საკრებულოს წევრის თამარ მურალოვას 2023 წლის 1
ნოემბრიდან 2024 წლის 1 ნოემბრამდე გაწეული საქმიანობის ანგარიში

სხდომის თავმჯდომარემ დამსწრე პირებს წარუდგინა საკრებულოს წევრი თამარ მურალოვა, და გააკეთა განმარტება, რომ საკრებულოს ყველა წევრი ვალდებულია წელიწადში ერთხელ მაინც, არაუგვიანეს 1 ნოემბრისა, ამომრჩეველს წარუდგინონ ანგარიში გაწეული მუშაობის შესახებ, ანგარიშის განხილვისას უპასუხონ ამომრჩეველთა მიერ დასმულ შეკითხვებს.

სხდომის დღის სწესრიგის მიხედვით სხდომის თავმჯდომარემ სიტყვა გადასცა საკრებულოს წევრს თამარ მურალოვას, რომელმაც დეტალურად ისაუბრა 2023 წლის 1 ნოემბრიდან 2024 წლის 1 ნოემბრამდე განვლილ პერიოდში მის მიერ გაწეული საქმიანობის შესახებ. აღნიშნა ის გამოწვევები და სიკეთეები რაც თან ახლდა

მოსახლეობის პრობლემების მოგვარებას. მოსახლეობის მხრიდან დაისვა შეკითხვები, რომლებიც ძირითადად ეხებოდა ინფრასტრუქტურულ პროექტებს და სოციალურ პრობლემებს. საკრებულოს წევრმა თამარ მურალოვამ აღნიშნა, რომ იგი აქტიურადაა ჩართული მუნიციპალიტეტის 2025 წლის ბიუჯეტის პროექტის შედგენის და პრიორიტეტების დოკუმენტის მომზადებაში, სადაც ასევე იქნება მოსახლეობის ის პრობლემები ასახული რომელის გაკეთებაც ვერ მოხერხდა ამ წლის ბიუჯეტიდან.

აზრი გამოთქვას: გიორგი მდინარაძემ, ვასილ ხმიადაშვილმა და მზია მელქუაშვილმა;


გადაწყვიტეს: პრობლემების გამოვლენის და აღმოფხვრის მიზნით გაიზარდოს მოსახლეობის ჩართულობა, რისთვისაც უფრო სისტემატიური ხასიათი მიიღოს საკრებულოს წევრების და ამომრჩევლების ურთიერთშეხვედრებმა და ურთიერთ თანამშრომლობამ.

სხდომის თავმჯდომარე:



მარლენ ნადირაძე.

საკრებულოს წევრი :



თამარ მურალოვა;